

Ndebele - Kufa Imibhalo - Free from Death Scriptures

AbaseRoma 6:23 Ngoba inkokhelo yesono iyikufa, kodwa isipho somusa sikaNkulunkulu siyimpilo elaphakade ngoKristu Jesu iNkosi yethu.

AbaseRoma 8:2 Ngoba umthetho woMoya wempilo kuKristu Jesu ungikhulule emthethweni wesono lowokufa.

2 uTimothi 1:10 kodwa oselubonakaliswe khathesi ngokubonakala koMsindisi wethu uJesu Kristu, owachitha ukufa, waseletha ekukhanyeni impilo lokungabhubhi ngevangeli,

uJobe 5:2 Ukucaphuka kuyasibulala isiwula lomhawu uyamqeda oyisithutha.

uHoseya 13:14 “Ngizabahlenga emandleni engcwaba; ngizabasindisa ekufeni. Zingaphi, we kufa izifo zakho? Kungaphi, we ngcwaba, ukuchitha kwakho? “Kangiyikuba lesihawu,

AmaHubo 9:13 O Jehova, ake ubone ukuthi izitha zami zingichukuluza njani! Yiba lesihawu ungenyule emasangweni okufa,

uJobe 6:26 Lizama ukuqondisa engikutshoyo, amazwi omuntu oselahlekelwe lithemba liwathethe njengomoya nje na?

uJobe 33:22 Umoya wakhe uyasondela egodini, lempilo yakhe kuzo izigijimi zokufa.

uHezekheli 37:12,13 Ngakho phrefetha uthi kubo: 'Nanku okutshiwo nguJehova Wobukhos: Awu bantu bami, ngizavula amangcwaba enu ngilivuse kuwo; ngizalibuyisela elizweni Iako-Israyeli. 13 Lapho-ke, lina bantu bami, lizakwazi ukuthi mina nginguJehova, lapho sengivula amangcwaba enu ngilivusa kuwo.

uMathewu 27:52 Iamangcwaba avuleka; lezidumbu ezinengi zabangcwele abasebelele zavuswa;

uGenesisi 2:7 uJehova uNkulunkulu wambumba umuntu ngothuli lomhlabathi waphefumulela emakhaleni akhe umphefumulo wokuphila, yikho umuntu wasesiba yinto ephilayo.

uGenesisi 6:17 Ngizathumela uzamcolo wamanzi emhlabeni ukubhubhisa konke okuphilayo ngaphansi kwezulu, zonke izidalwa eziphefumulayo. Yonke into emhlabeni izabhubha.

uGenesisi 7:15 Zeza kuNowa ngazimbili zonke izidalwa ezilomphefumulo wokuphila zangena emkhunjini.

uGenesisi 7:22 Yonke into ephefumula impilo ngamakhala ayo nxa isemhlabathini owomileyo yafa.

uJobe 12:10 Esandleni sakhe kulempilo yazo zonke izidalwa lokuphefumula

kwabantu bonke.

uJobe 33:4 UMoya kaNkulunkulu wangenza; umphefumulo kaSomandla ungipha impilo.

Imisebenzi 17:25 futhi kakhonzwa ngezandla zabantu, njengoswela ulutho, ngoba yena uqobo Iwakhe uyabapha bonke impilo lokuphefumula lakho konke;

Isambulelo 13:15 Sanikwa futhi ukupha umfanekiso wesilo umoya, ukuze umfanekiso wesilo lawo ukhulume, besesisenza ukuthi bonke abangakhonziyo umfanekiso wesilo babulawe.

uJohane 10:10 Isela kalizi ngaphandle kokuzakweba lokubulala lokubhubhisa; mina ngizile ukuze babe lempilo, babe layo iphuphume.

u-Isaya 28:15 Ligitshaya izifuba lisithi, "Senze isivumelwano lokufa, Senza isivumelwano lethuna. Nxa isijeziso esikhulu sifika, Kasiyikusithinta, ngoba senze amanga aba yisiphephelo sethu Lenkohliso yaba yindawo yethu yokucatsha."

u-Isaya 28:18 Isivumelwano senu lokufa sizakwesulwa; Isivumelwano senu lengcwaba kasiyikuma. Lapho isijeziso esikhulu sifika zizalilahla phansi.

u-Isaya 5:24 Ngakho-ke, njengalokhu umlilo utshisa izinhlanga, utshani obomileyo buphelela phakathi kwamalangabi, ngokunjalo impande zabo zizabola. Lamaluba abo aphephuke njengothuli; ngoba bawalile umthetho kajehova uSomandla balidelela ilizwi IoNgcwele ka-Israyeli.

uJoweli 1:12 Ivini lomile lomkhiwa ubunile; iphomegranathi, lelala lesihlahla sama-ephula -zonke izihlahla zeganga - zomile. Impela ukuthokoza kwabantu kuphelile.

uHosiya 13:15 Ianxa ekhula phakathi kwabafowabo. Umoya wasempumalanga ovela kuJehova uzafika, uphephetha uvela enkangala; intwasa yakhe izakwehluleka, lemithombo yakhe itshe. Indlu yakhe yokugcinela izaphangwa yonke ingcebo yayo.

Isambulelo 22:1 Wasengitshengisa umfula ocenekileyo wamanzi empilo, ukhazimula njenekristali, uphuma esihlalweni sobukhosи sikaNkulunkulu, leseWundlu.

uJohane 4:10 UJesu waphendula wathi kuye: Uba ubusazi isipho sikaNkulunkulu, lokuthi ungubani othi kuwe: Nginathisa; ubuzacela kuye, njalo ubezakunika amanzi aphilayo.

uJohane 4:14 kodwa loba ngubani onatha amanzi mina engizamnika wona, kasoze ome kuze kube laphakade; kodwa amanzi engizamnika wona azakuba ngumthombo wamanzi phakathi kwakhe ogobhozela empilweni elaphakade.

IZaga 13:14 Imfundiso yabahlakaniphileyo ingumthombo wokuphila, iphephisa umuntu emijibileni yokufa.

IZaga 14:27 Ukumesaba uJehova kungumthombo wokuphila, kuvikela umuntu ezithiyweni zokufa.

uHezekheli 13:17-23 "Khathesi-ke ndodana yomuntu, melana lamadodakazi abantu bakini aphrofetha okwemicabango yawo. Phrofetha umelana lawo 18 uthi, 'Nanku okutshiwo nguJehova Wobukhos: Maye kwabesifazana abathungela izintebi ezihlakaleni zabo zonke benze lezimbombozo zamakhanda abo ezilobude obehlukeneyo ukuze bathiye abantu. Lizathiya impilo yabantu bami kodwa lilondoloze eyenu na? 19 Lingithukile phakathi kwabantu bami ngenxa yohetshezana Iwebhali kanye lemvuthuluka yesinkwa. Ngokuqamba amanga ebantwini bami, abawalalelayo amanga, selibabulele labo ababengamelanga bafe, kodwa layekela abangafanelanga ukuphila. 20 " 'Ngakho nanku okutshiwo nguJehova Wobukhos: Ngimelana lezintebi zenu elithiya abantu ngazo njengenyoni njalo ngizazidabula ezingalweni zenu; ngizabakhulula abantu elibathiya njengenyoni. 21 Izimbombozo zenu ngizazidabula ngikhulule abantu bami ezandleni zenu, njalo kabayikuba ngaphansi kwamandla okubazingela kwenu. Lapho-ke lizakwazi ukuthi nginguJehova. 22 Ngenxa yokuthi lanyelisa izinhliziyo zabalungileyo ngamanga enu, lapho ngangingabalethelanga sizi, njalo ngoba lakhuthaza ababi ukuba bangaphenduki ezindleleni zabo ezimbi ngalokho basilise ukuphila kwabo, 23 ngakho kaliyikubona imibono yamanga futhi loba izenzo zobungoma. Abantu bami ngizabahlenga ezandleni zenu. Laphoke lizakwazi ukuthi nginguJehova.' "

uJeremiya 21:8 "Phezu kwalokho, abantu batshela uthi, 'UJehova uthi: Khangelani, ngiyalimisela phambi kwenu indlela yokuphila lendlela yokufa.

uJobe 34:22 Akulandawo emnyama njani lathunzi elisithe njani, lapho abenzi bobubi abangacatsha khona.

AmaHubo 16:10 ngokuba kawuzukungidela ngize ngiye engcwaben, njalo kawuyikuyekela Ongcwele wakho abone ukubola.

AmaHubo 23:4 Loba ngidabula esigodini sethunzi lokufa, angiyikwesaba okubi ngokuba wena ulami; intonga yakho lodondolo lwakho kuyangithokozisa.

AmaHubo 30:3 Yebo Jehova wangenyula eliben, wangisiza ngaphepha ukungena egodini.

AmaHubo 49:15 Kodwa uNkulunkulu uzayihlenga eyami impilo engcwaben; ngempela uzangithatha angise kuye.

AmaHubo 56:13 Ngokuba ungikhulule ekufeni lezinyawo zami lapho ngikhube, ukuze ngihambe phambi kukaNkulunkulu ekukhanyeni kwempilo.

AmaHubo 68:20 UNkulunkulu wethu nguNkulunkulu osindisayo; kuJehova wobukhosи kuvela ukuphepha ekufeni.

AmaHubo 89:48 Ngumuntu bani ongaphila angaze abona ukufa, loba azisindise emandleni eliba na?

AmaHubo 102:19,20 "UJehova wakhangela phansi ephezulu endlini yakhe engcwele, esezulwini wawuhlola umhlaba, 20 ukuze ezwe ukububula kwezibotshwa lokukhulula labo ababegwetshelwe ukufa."

AmaHubo 116:8 Ngokuba wena, O Jehova, uwukhulule umphefumulo wami ekufeni, amehlo ami ezinyembezini, lezinyawo zami azaze zakhubeka,

IZaga 10:2 Inotho ezuzwe ngobuqili kayisizi lutho, kodwa ukulunga kuyakhulula ekufeni.

u-Isaya 26:19 Kodwa abafileyo bakho bazaphila, Imizimba yabo izavuka.

Lina elihlala othulini, vukani lihlabelele ngentokozo. Amazolo enu afana lamazolo ekuseni; umhlaba uzabaveza abafileyo bawo.

uJohane 5:28,29 Lingamangali ngalokhu; ngoba ihola liyeza, lapho bonke abasemangcwabeni bazalizwa ilizwi layo, 29 babesebephuma, labo abenze okulungileyo, ekuvukeni kwempilo; lalabo abenze okubi, ekuvukeni kokulahlwa.

uJohane 10:28 njalo mina ngizinika impilo elaphakade; futhi kazisoze zabhubha laphakade, kungekho njalo ozazihluthuna esandleni sami.

uJohane 11:43,44 Esetshilo lezizinto, wamemeza ngelizwi elikhulu: Lazaro, phuma! 44 Wasephuma owayefile, ebotshiwe izandla lenyawo ngamalembu, lobuso bakhe bugoqelwe ngelembu. UJesu wathi kubo: Mthukululeni, limyekele ahambe.

uJohane 12:17 Ngakho ixuku elalilaye lapho ebiza uLazaro ukuthi aphume engcwabeni, emvusa kwabafileyo, lafakaza.

uJohane 17:2 njengoba uyinikile amandla phezu kwayo yonke inyama, ukuze konke oyinike khona, ibanike impilo elaphakade.

1 AbaseKhorinte 15:19-26 Uba singabathembela kuKristu kule impilo kuphela, singabalosizi kulabo bonke abantu. 20 Kodwa khathesi-ke uKristu uvusiwe kwabafileyo, waba yisithelo sokuqala sabaleleyo. 21 Ngoba lokhu ngomuntu ukufa kweza, langomuntu ukuvuka kwabafileyo kweza. 22 Ngoba njengalokhu kuAdamu bonke bayafa, ngokunjalo futhi kuKristu bonke bazakwenziwa baphile. 23 Kodwa ngulowo lalowo ngesakhe isigaba; isithelo sokuqala uKristu, besekusiba ngabakaKristu ekufikeni kwakhe, 24 besekusiba ukuphela, lapho esenikela umbuso kuNkulunkulu uBaba, lalapho esechithile konke ukubusa labo bonke ubukhosи lamandla. 25 Ngoba umele yena ukubusa, aze abeke zonke izitha zakhe ngaphansi kwenyawo zakhe. 26 Isitha sokucina esizachithwa yikufa.

2 AbaseKhorinte 1:9,10 Kodwa thina ngokwethu sasilaso kithi isigwebo sokufa, ukuze singazithembi thina kodwa kuNkulunkulu ovusa abafileyo; 10 owasephula ekufeni okungaka Iosephulayo; esithemba kuye ukuthi uzasephula futhi,

2 AbaseKhorinte 3:6 owasenza futhi senelisa ukuba yizikhonzi zesivumelwano esitsha, esingeyisiso sokulotshiweyo kodwa esikaMoya; ngoba okulotshiweyo kuyabulala, kodwa uMoya uyaphilisa.

AbaseKholose 1:21,22 Lani elalikade lenziwe abemzini lezitha ngengqondo emisebenzini emibi, kodwa khathesi-ke usebuyisene lani 22 emzimbeni wenyama yayo ngokufa ukuthi alimise phambi kwakhe lingcwele njalo lingelacala njalo lingasoleki,

AmaHeberu 2:9 Kodwa siyambona uJesu, etheswe umqhele wobukhosи lowodumo, owenziwa okwesikhatsana waba phansi kulezingilosи, ngenxa yenhlupheko yokufa, ukuze ngomusa kaNkulunkulu azwele wonke ukufa.

AmaHeberu 2:14,15 Ngakho njengoba abantwana behlanganyeleye inyama legazi, laye uqobo wahlanganyela khona lokho, ukuze ngokufa amchithe yena obelamandla okufa, onguSathane, 15 abakhulule labo bonke abathi ngokwesaba ukufa impilo yabo yonke babebanjwe ebugqilini.

AmaHeberu 11:5 Ngokholo uEnoki wasuswa ukuze angaboni ukufa, njalo akatholwa, ngoba uNkulunkulu wayesemsusile; ngoba engakasuswa wafakazelwa ngokuthi umthokozisile uNkulunkulu;

1 uPetro 3:18 Ngoba IoKristu wahlupheka kanye ngenxa yezono, olungileyo esikhundleni sabangalunganga, ukuze asise kuNkulunkulu, owabulawa enyameni, kodwa wenziwa waphila ngoMoya,

2 uPetro 1:3 Njengamandla akhe obuNkulunkulu asinike zonke izinto ezimayelana lempilo lokukhonza uNkulunkulu, ngokolwazi lwalowo owasibiza ngobukhosи langobuhle;

1 uJohane 3:14 Thina siyazi ukuthi sesidlule ekufeni saya empilweni, ngoba siyabathanda abazalwane. Ongamthandiyo umzalwane uhlezi ekufeni.

1 uJohane 5:11 Yilobu-ke ubufakazi, ukuthi uNkulunkulu usinikile impilo elaphakade, lale impilo iseNdodaneni yakhe.

Isambulelo 21:6 Wasesithi kimi: Sekwenzakele. Mina nginguAlfa IoOmega, ukuqala lokucina. Mina ngizamnika owomileyo okuvela emthonjeni wamanzi empilo ngesihle.